

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj : 65 0 Ip 1075857 24 Ip
Sarajevo, 22.04.2026. godine

Općinski sud u Sarajevu, sudija Pejčinović Mirna, u pravnoj stvari tražioca izvršenja OPĆINA NOVO SARAJEVO zastupana po Pravobranilaštvu kao zakonskom zastupniku, ul. Zmaja od Bosne br.55, Sarajevo, protiv izvršenika A&D COMPANY d.o.o. Kakanj, sa sjedištem u Kaknju, ul.Alije Izetbegović br. K2, radi izvršenja, van ročišta dana 22.4.2026. godine donio je:

Z A K L J U Č A K

1.Utvrđuje se da vrijednost pokretne stvari - poljske kuhinje/N250-Mobilna profesionalna kuhinja, ID broj T392TKN3DJDBY9003 koja je popisana u zapisniku o pljenidbenom popisu ovog suda broj 65 0 Ip 1075857 24 Ip od 8.4.2025.godine a koja se nalazi na adresi Ul. Zmaja od Bosne 55, u skladu sa nalazom i mišljenjem vještaka mašinske struke Čamdžić Salka od 16.12.2025.g. iznosi 29.298,00KM te se određuje prodaja iste usmenim javnim nadmetanjem

za dan PETAK, 29.5.2026.godine u 9,00 sati.

Javno nadmetanje za prodaju održat će se u Općinskom sudu u Sarajevu, Ul. Šenoina 1, soba 454/IV.

Sud će u smislu člana 77. Zakona o izvršnom postupku, a u vezi sa članom 135. Zakona o izvršnom postupku, zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršioca. Navedeni zahtjev mora biti podnjet u pisanoj formi 8 dana prije održavanja ročišta.

2.Na prvom ročištu za javno nadmetanje pokretne stvari se ne mogu prodati ispod polovine utvrđene vrijednosti odnosno za iznos manji od 14.649,00KM.

3.Kupac je dužan platiti cijenu odmah nakon objavljivanja rezultata prodaje a dokaz o uplati predati isti dan sudskom izvršitelju. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom.U slučaju da ni jedan ponuđač sa ponudom iznad $\frac{1}{2}$ procijenjene vrijednosti ne plati cijenu, sud će na zahtjev jedne od stranaka oglasiti da prvo ročište za prodaju nije uspjelo. Zahtjev sudu za zakazivanje novog ročišta stranka može podnijeti u roku od 8 dana od održavanja neuspjelog ročišta. Sud će obustaviti postupak ako ne bude predloženo drugo ročište u navedenom roku ili ako se stvari ne uspiju prodati na drugom javnom nadmetanju.

4.U javnom nadmetanju iz tačke 1. ovog zaključka kao kupci mogu učestvovati samo lica koja su prethodno dala osiguranje. Osiguranje iznosi 1/10 utvrđene vrijednosti pokretne stvari odnosno u konkretnom slučaju 2.929,80KM. Osobe koje sudjeluju u javnom nadmetanju dužne su prije početka ročišta sudskom izvršitelju predati uplatnicu iz koje je vidljivo da je osiguranje položeno.

Osiguranje se polaže na račun Općinskog suda u Sarajevu za depozite i ostalo koji se vodi kod BBI BANKE broj **1 4 1 1 9 6 5 3 2 0 0 9 6 3 9** sa naznakom broja predmeta. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Osiguranje u ovoj izvršnoj stvari nije dužan dati tražilac izvršenja na čiji je prijedlog određeno izvršenje.

5.Ovaj zaključak objavit će se na oglasnoj tabli ovog suda, a tražilac izvršenja zaključak može objaviti i na način predviđen za objavljivanje prodaje nepokretnosti.

S U D I J A
Pejčinović Mirna

POUKA: Protiv ovog zaključka nije dozvoljen pravni lijek.